

Atorfeqarnermut pissutsit Atorfeqarnermut uppernarsaasarnermut inatsimmi ilaanngitsut pillugit Namminersorlutik Oqartussat nalunaarutaat

Sulisitsisup sulinerмик inuussutissarsiuteqartumik atorfeqarnermi atugassarititaasut pillugit ilisimatitsisussaananeranut Inatsisartut inatsisaat nr. 16. 21 november 2022-meersoq (Atorfeqarnermut uppernarsaasarnermut inatsimmi) § 1, imm. 7 naapertorlugu aalajangersarneqarpoq:

Kapitali 1

Siunertaq

§ 1. Nalunaarutip atorfeqarnermi pissutsit ilaanniinnakkut imaluunniit immikkut ittumik pisoqartillugu, atorfeqarnermut uppernarsaasarnermut inatsimmi ilaatinneqanngitsut, pillugit aalajangersarnissai siunertarivaa.

Kapitali 2

Ilaanniinnakkut sulineq

§ 2. Atorfeqarnermi pissutsit tulliuttut ilaanniinnakkut suliffeqarnertut, atorfeqarnermut uppernarsaasarnermut inatsimmi ilaatinneqanngitsut, isigineqassapput, taamaattoq tak. imm. 2:

1) 1) Pisariaqarfikkut taartaasoq/taartaasoq aggersarneqartussaag piffissamik suliffissamik aalajangersimasumik isumaqatigiissuteqanngitsoq, taartaasoq sulisitsisumit suliartoqquneqartoq pissutigalugu:

a) sulisup atorfillip naatsorsuutiginngisamik sulinnitsoorneranni, soorlu assersuutigalugu napparsimanermit atatillugu, imaluunniit

b) suliassat amerlassusiisa sulisunit atorfilinnit isumagineqarsinnaasut qaangerlugit amerlassuseqarallannerini.

2) Atorfeqarnermi pissutsit, pisimasunut ataasiakkaanut suliassat attuumassuteqarpata.

Imm. 2. Atorfeqarnermut uppernarsaasarnermut inatsimmi imm. 1-mi ilaasoq apeqqutaatinnagu atorfeqarnermi pissutsini, sulisartoq katillugit piffissami qaammatini sisamani sivikinnerpaamik sapaatit akunnerini aqqaneq-marlunni sulisitsisumi tassani suliassanik isumaginnippat aamma sapaatit akunnerini aqqaneq-marlunni taakkunani sapaatip akunneranut agguaqatigiissillugu sivikinnerpaamik nalunaquttap akunneri 15-it sulisarpat.

Kapitali 3

Immikkut ittumik sulineq

§ 3. Atorfeqarnermi pissutsit tulluuttut immikkut ittumik sulinertut isigineqassapput, atorfeqarnermut uppernarsaasarnermut inatsimmi ilaatinneqanngitsut, taamaattoq tak. imm. 2:

1) Atorfeqarnermi pissutsit, suliassat amerlassusaannik kiisalu piffissamik suliffiusumik agguataarinninneq inissisimaffillu pillugit siumoortumik ilisimanissaannik takutitsisinnaanngitsut, tassunga ilanngullugit:

a) Usilersorneq usingiarnerlu.

b) Upalungaarsimanermi akissarsiaqarluni sulineq, tassunga ilanngullugit qatserisartut.

c) Aalajangersimasumik suliaqarneq, piumaneqarneq malillugu inniminniisoqarnera taamaallaat malillugu sulineq, tassunga ilanngullugu angalanermi angallassisartuq.

2) Ukiup ilaannaani sulineq, ukiup qanoq ilinerani silap pissusianik pissuteqartumik suliaqarneq, soorlu qimusserartitsisoq, ornigulluni sulineq aamma asfalterineq.

Imm. 2. Atorfeqarnermut uppernarsaasarnermut inatsimmi imm. 1-mi ilaasoq apeqqutaatinnagu atorfeqarnermi pissutsini, sulisartuq katillugit piffissami qaammatini sisamani sivikinnerpaamik sapaatit akunnerini aqqaneq-marlunni sulisitsisumi tassani suliassanik isumaginnippat aamma sapaatit akunnerini aqqaneq-marlunni taakkunani sapaatip akunneranut agguaqatigiissillugu sivikinnerpaamik nalunaaquttap akunneri 15-it sulisarpat.

Kapitali 4

Atortuulerfia

§ 4. Nalunaarut ullormi 1. marts 2026 atuutilissaaq.

Ikaarsaarnermut aalajangersakkat

§ 5. Piffissamik naatsorsuineri tak. §§ 2 aamma 3 nalunaarutip piffissami atuutilerfiatut isigineqarpoq, tak. § 4, aallartiffiatut.

Namminersorlutik Oqartussat, ulloq 23. februar 2026

Aqqaluaq B. Egede

**Isumaginninnermut, Suliffeqarnermut, Ineqarnermut, Attaveqaasersuutitut Isorliunerusunullu
Naalakkersuisoq.**

Mikael Mansi Rasmussen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut